



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2025-yil 8-may

№ 8/1

Toshkent sh.

“Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijrosi 2025-yil aprel oyi yakunlari hamda may oyida bajarilishi lozim bo‘lgan topshiriqlar ijrosini barvaqt bajarish ta‘minlash bilan bog‘liq chora-tadbirlar to‘g‘risida.

Vazirlik hay‘ati ta‘kidlaydiki, 2025-yilning aprel oyi davomida ijro intizomiga rioya qat‘iy rioya etish, “Ijro.gov.uz” tizimidagi Davlat rahbarining topshiriqlari ijrosini o‘rnatilgan muddatlarda bajarish, O‘zbekiston Respublikasi Prezidentining 2021-yil 31-maydagi “Ijro.gov.uz” ijro intizomi idoralararo yagona elektron tizimi samarali faoliyat ko‘rsatishini ta‘minlashga qaratilgan qo‘shimcha chora-tadbirlar to‘g‘risida”gi PQ–5132-sonli qarori asosida tashkil qilingan yagona va uzluksiz *“texnologik zanjir”* tizimini samarali yo‘lga qo‘yish borasidan muayyan ishlar amalga oshirilgan.

2025-yilning aprel oyida ijrosi ta‘minlanishi lozim bo‘lgan O‘zbekiston Respublikasi Prezidenti topshiriqlarini 25-aprelga qadar ijrosini ta‘minlashga qaratilgan I-II-kartoteka topshiriqlar ro‘yxati, vazir o‘rinbosarlari kesimidagi *Kalendar reja* hamda *“Yo‘l xarita”*lar ishlab chiqilib, 14-mart kuni Vazir Sh.Xamrayev imzosi bilan eslatma va ijro uchun barcha vazir o‘rinbosarlari, vazirlik markaziy apparatining boshqarma va mustaqil bo‘lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

Hisobot davrida “Ijro.gov.uz” ijro intizomi idoralararo yagona elektron tizimidagi nazoratda bo‘lgan jami 65 ta O‘zbekiston Respublikasi Prezidentining topshiriqlaridan 64 tasi (98,5 foizi) to‘liq bajarilib, O‘zbekiston Respublikasi Prezidentining 2021-yil 31-maydagi PQ–5132-sonli qarori talablari asosida 1 ta topshiriq ijro muddatini uzaytirish yuzasidan taklif kiritilgan.

Jumladan, O‘zbekiston Respublikasi Prezidentining 2025-yil 1-apreldagi PQ-132-sonli qarorining 2.7-ilova 20.1-bandi ya‘ni, tumandagi 8 ta (Oqtepa, Qo‘rg‘ontepa, Baxshijar, Maydon, Mirdosh, Oltinobod, Oltinsoy, Sangijuman) mahallalardagi xonadonlar tomorqalaridan samarali foydalanishni tashkil etish maqsadida suv ta‘minotini yaxshilash topshirig‘i ijrosini ta‘minlashda qo‘shimcha vaqt talab etilganligi hamda moliyalashtirish manbasi aniq bo‘lmaganligi sababli Suv xo‘jaligi loyihalarini amalga oshirish departamentining o‘rinbosari N.Xo‘jaqulov tomonidan ijro muddatini 2025-yil 31-dekabrga qadar uzaytirish bo‘yicha takliflar vazirlikning joriy yil 17-apreldagi 02/27-1678-son xati orqali taqdim etilgan bo‘lib, Adliya vazirligi hamda Hisob palatasi bilan kelishilgan va roziligi olingan, ushbu taklif Adliya vazirligi tomonidan Vazirlar Mahkamasi Rayosatiga kiritish kutilmoqda.

2025-yilning may oyida ijrosi ta‘minlanishi lozim bo‘lgan O‘zbekiston Respublikasi Prezidenti topshiriqlarini 25-mayga qadar ijrosini ta‘minlashga qaratilgan I-II-kartoteka topshiriqlar ro‘yxati, vazir o‘rinbosarlari kesimidagi *Kalendar reja* hamda *“Yo‘l xarita”*lar ishlab chiqilib, 14-aprel kuni Vazir Sh.Xamrayev imzosi bilan eslatma va ijro uchun barcha

vazir o‘rinbosarlari, vazirlik markaziy apparatining boshqarma va mustaqil bo‘lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

Joriy yilning 30-aprel kuni O‘zbekiston Respublikasi Bosh vazirining maslahatchisi R.Abduqodirov huzurida “Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlik va idoralarga yuklatilgan topshiriqlar ijrosi 2025-yil aprel oyi yakunlari tanqidiy ruhda muhokama qilinib, may oyida bajarilishi lozim bo‘lgan topshiriqlarning 40,0 foizini 10-mayga qadar, 60,0 foizini 15-mayga qadar, 80,0 foizini 20-mayga qadar hamda qolgan barcha topshiriqlar ijrosini 25-mayga qadar 100,0 foiz qilib ta‘minlash bo‘yicha tegishli ko‘rsatmalar berilgan.

Shuningdek, O‘zbekiston Respublikasi Prezidentining 2025-yil 25-apreldagi 03-PA 1/1-1330/6, 28-apreldagi 03-PA 1/1-1363/6, 28-apreldagi 03-PA 1/1-1365/6 hamda 28-apreldagi 03-PA 1/1-1367/7-sonli yig‘ilish topshiriqlari asosida vazir o‘rinbosarlari kesimidagi *Kalendar reja* hamda *“Yo‘l xarita”lar* ishlab chiqilib, 30-aprel kuni Vazir Sh.Xamrayev imzosi bilan eslatma va ijro uchun barcha vazir o‘rinbosarlari, vazirlik markaziy apparatining boshqarma va mustaqil bo‘lim boshliqlari hamda vazirlik tasarrufidagi respublika tashkilotlari rahbarlariga qaytadan yetkazilgan.

Yuqoridagilardan kelib chiqib, taqdim etilgan hisobot va axborotlarni tinglab hamda muhokama qilib ijro intizomiga rioya qilish borasida yo‘l qo‘yilgan sustkashlik, xato va kamchiliklarni bartaraf etish, “Ijro.gov.uz” tizimida nazoratda turgan 2025-yil may oyida bajarilishi lozim bo‘lgan topshiriqlar ijrosini barvaqt bajarish bo‘yicha oldindan zarur chora-tadbirlarni ko‘rish orqali belgilangan muddatlarda, to‘laqonli va sifatli ta‘minlash bo‘yicha boshqaruvning barcha darajadagi rahbar va mutaxassislarining shaxsiy mas‘uliyati va javobgarligini kuchaytirish maqsadida hay‘at yig‘ilishi

Qaror qiladi:

1. *“Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijrosi 2025-yil aprel oyi yakunlari, may oyida bajarilishi lozim bo‘lgan topshiriqlar ijrosini barvaqt bajarish ta‘minlash bilan bog‘liq chora-tadbirlar haqida”gi axborot **rahbarlik va ijro uchun qabul qilinsin.***

2. O‘zbekiston Respublikasi Bosh vazirining maslahatchisi R.Abduqodirovning joriy yilning 30-apreldagi “Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka may oyida bajarilishi lozim bo‘lgan topshiriqlarning 40,0 foizini 10-mayga qadar, 60,0 foizini 15-mayga qadar, 80,0 foizini 20-mayga qadar hamda qolgan barcha topshiriqlar ijrosini 25-mayga qadar 100,0 foiz qilib ta‘minlash bo‘yicha ko‘rsatmalari **ijro uchun qabul qilinsin.**

3. Vazir o‘rinbosarlari, vazirlik markaziy apparatining boshqarma va mustaqil bo‘lim boshliqlari, Qoraqalpog‘iston Respublikasi Suv xo‘jaligi vazirligi, viloyatlar irrigatsiya tizimlari havza boshqarmalari, vazirlik tasarrufidagi respublika va tizim tashkilotlari rahbarlari tomonidan 2025-yil aprel oyi davomida O‘zbekiston Respublikasi Prezidentining Farmon, qaror, farmoyish va yig‘ilish bayonlarida vazirlikka yuklatilgan topshiriqlarning ijrosini ta‘minlash borasida amalga oshirilgan ishlar **talab darajasida emas deb topilsin.**

Belgilab qo‘yilsinki, “Ijro.gov.uz” tizimidagi O‘zbekiston Respublikasi Prezidenti va Hukumatining topshiriqlarining ijrosini belgilangan muddatlarda to‘liq va sifatli bajarilishi, shuningdek, ularning ijro holati to‘g‘risidagi ma‘lumotlarning to‘g‘riligi va ishonchliligiga hamda “Ijro.gov.uz” tizimiga o‘z vaqtida kiritilishiga Vazirning barcha o‘rinbosarlari shaxsan mas‘ul hisoblanadilar.

4. Vazirning birinchi o‘rinbosari T.Butunbayev, Vazir o‘rinbosarlari R.Qarshiyev, O‘.Sheraliyev, Z.Ishpulatov, vazirlik markaziy apparatining boshqarma va mustaqil bo‘lim boshliqlari hamda vazirlik tasarrufidagi respublika va tizim tashkilotlari rahbarlariga:

“Ijro.gov.uz” tizimida 2025-yil may oyida nazoratda bo‘lgan topshiriqlar ijrosini ta’minlash bo‘yicha vazir o‘rinbosarlari kesimida 14-aprel kuni ishlab chiqilgan hamda joriy yil 30-mart kuni qo‘shimcha va o‘zgartirishlar kiritilgan suv xo‘jaligi vaziri tomonidan tasdiqlangan *Kalendar reja*, “*Yo‘l xaritasi*”, shuningdek, I va II-kartotekaga kiritilgan may oyida ijrosi ta’minlanishi lozim bo‘lgan O‘zbekiston Respublikasi Prezidenti va Hukumati hujjatlari bo‘yicha topshiriqlar ro‘yxatini ijro uchun qabul qilish;

“Ijro.gov.uz” tizimidagi O‘zbekiston Respublikasi Prezidenti va Hukumatining topshiriqlarini tahlil qilib, ushbu topshiriqlar ichidan mablag‘ talab qilinadigan va xorijiy mamlakatlar, shu jumladan, Xalqaro moliya institutlari va chet el investitsiyalari bilan bog‘liq masalalar bo‘yicha birinchi navbatda shug‘ullanib, ularni to‘laqonli va sifatli ta’minlash bilan bog‘liq chora-tadbirlarni belgilash va amalga oshirish;

O‘zbekiston Respublikasi Prezidentining 2021-yil 31-maydagi PQ-5132-sonli qarorining ijrosini tizimli ravishda tashkil etish, *joriy yilning may oyida* nazoratdan chiqarilishi lozim bo‘lgan **1-kartotekaga qarashli 101 ta hamda 2-kartotekaga qarashli 33 ta topshiriqlar** ijrosi yuzasidan kunlik monitoring o‘rnatish hamda topshiriqlarni belgilangan muddatda, to‘laqonli va sifatli qilib bajarish;

har bir berilgan ko‘rsatma va topshiriqlarga asosan, ijro intizomi masalasiga yuqori mas’uliyat bilan yondashgan holda belgilangan topshiriqlar ijrosini o‘z vaqtida, to‘liq va sifatli ta’minlash bo‘yicha ishlarni to‘g‘ri rejalashtirish, topshiriq ijrosini amalga oshirish uchun eng kam mablag‘, resurs va energiya sarflanishi zarurligini inobatga vazifalari yuklatilsin.

5. Vazir Kotibiyati mudiri S.Alimov hamda Tashkiliy-nazorat va tahlil bo‘limi boshlig‘i M.Ibragimovlarga:

Suv xo‘jaligi vaziri Sh.Xamrayev tomonidan tasdiqlangan I va II-kartotekaga kiritilgan O‘zbekiston Respublikasi Prezidenti va Hukumatining topshiriqlari ro‘yxati, Kalendar reja hamda vazir o‘rinbosarlari kesimidagi “Yo‘l xarita”lar ijrosi yuzasidan **kunbay tizimida** tizimli va qat’iy monitoring yuritish;

qonunchilik hujjatlari va topshiriqlar ijrosi bo‘yicha “*Ijro.gov.uz*” tizimiga kiritilgan ma’lumotlar va tasdiqlovchi hujjatlarga asosan topshiriqlarni nazoratdan yechish yuzasidan O‘zbekiston Respublikasi Adliya vazirligi va Hisob palatasi bilan muntazam ravishda hamkorlikda ish olib borish;

O‘zbekiston Respublikasi Prezidenti va Hukumati hujjatlarida belgilangan topshiriqlar ijrosini ta’minlash bo‘yicha olib borilayotgan ishlarni muntazam ravishda (**har oy yakuni bilan**) tahlil qilib borish, ushbu hujjatlarning ijrosini ta’minlashga e’tiborsizlik va mas’uliyatsizlik bilan yondashayotgan rahbar-xodimlarga nisbatan tegishli intizomiy jazo choralari qo‘llash yuzasidan Vazirlik rahbariyatiga asoslangan xulosa va takliflar (*intizomiy jazo chorasi qo‘llash yuzasidan buyruq loyihasi*) taqdim etish vazifalari topshirilsin.

6. Ushbu qaror topshiriqlarining ijrosini nazorat qilish vazirning birinchi o‘rinbosari (*ijro intizomi uchun mas’ul*) T.Butunbayev zimmasiga yuklatilsin.

Hay’at raisi



Sh. Xamrayev